

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06,76/07, 81/07, 94/07 i 24/08) i člana 11. Zakona o finansiranju institucija Bosne i Hercegovine ("Službeni glasnik BiH", br. 61/04 i 49/09), a u vezi sa Zaključcima usvojenim na 17. Sjednici Predstavničkoga doma Parlamentarne skupštine Bosne i Hercegovine, održanoj 30.12.2011. godine i Zaključcima Doma naroda Bosne i Hercegovine usvojenim na 10. sjednici održanoj 31.12.2011. godine, Vijeće ministara Bosne i Hercegovine, na 170. sjednici, održanoj 31. decembra 2011. godine, donijelo je

ODLUKU
O PRIVREMENOM FINANSIRANJU INSTITUCIJA BOSNE I HERCEGOVINE I MEĐUNARODNIH
OBAVEZA BOSNE I HERCEGOVINE ZA PERIOD JANUAR - MART 2012. GODINE

Član 1.

(Predmet odluke)

Ovom Odlukom odobrava se privremeno finansiranje institucija Bosne i Hercegovine imeđunarodnih obaveza Bosne i Hercegovine za period januar - mart 2012. godine.

Član 2.

(Visina sredstava za privremeno finansiranje)

(1) Privremeno finansiranje institucija Bosne i Hercegovine i međunarodnih obaveza Bosne i Hercegovine za period iz člana 1. ove Odluke utvrđuje se do iznosa ukupno usvojenih sredstava Budžeta institucija Bosne i Hercegovine i međunarodnih obaveza Bosne i Hercegovine za 2011. godinu na nivou jedne četvrtine sredstava u usvojenom Budžetu za 2011. fiskalnu godinu.

(2) Iznos sredstava utvrđen u stavu (1) ovog člana uključuje namjenske i višegodišnje projekte za koje su sredstva osigurana u budžetima prethodnih godina.

Član 3.

(Raspored prihoda po budžetskim korisnicima i vrstama rashoda)

(1) Raspored prihoda po budžetskim korisnicima i vrstama rashoda za period iz člana 1. ove Odluke vršiče se na nivou jedne četvrtine ukupnih sredstava u usvojenom budžetu za 2011. fiskalnu godinu, uključujući i rezerviranja iz člana 3. tabela 3. stavka 99992.

(2) Korištenje rezerve iz stava (1) ovog člana vršiče se u skladu sa članom 13. Zakona o budžetu institucija Bosne i Hercegovine i međunarodnih obaveza Bosne i Hercegovine za 2011. godinu.

(3) Budžetski korisnici ne mogu započeti kapitalna ulaganja, nove ili proširene programe i aktivnosti dok se isti ne odobre u Zakonu o budžetu institucija Bosne i Hercegovine i međunarodnih obaveza Bosne i Hercegovine za 2012. godinu.

Član 4.

(Višegodišnji projekti)

Nastavak finansiranja višegodišnjih projekata koji su usvojeni u budžetima prethodnih godina, a za koje se sredstva prenose u skladu sa članom 14. Zakona o finansiranju institucija Bosne i Hercegovine ("Službeni glasnik BiH", br. 61/04 i 49/09) vršiče se u skladu sa redoslijedom prioriteta propisanih članom 18. Zakona o finansiranju institucija Bosne i Hercegovine.

Član 5.

(Servisiranje vanjskog duga)

Izmirenje obaveza po osnovu servisiranja vanjskog duga vršiče se u skladu sa planovima otplate.

Član 6.

(Provedba odluke)

(1) Provedba ove Odluke vršiče se u skladu sa odredbama i procedurama utvrđenim u Zakonu o budžetu institucija Bosne i Hercegovine i međunarodnih obaveza Bosne i Hercegovine za 2011. godinu.

(2) U periodu privremenog finansiranja iz člana 1. ove Odluke, prioriteti plaćanja utvrđeni su članom 18. Zakona o finansiranju institucija Bosne i Hercegovine.

Član 7.

(Stupanje na snagu)

Ova Odluka stupa na snagu danom donošenja i objavljuje se u "Službenom glasniku BiH", a primjenjivat će se od 1. januara 2012. godine.

VM broj 228/11
31. decembra 2011. godine
Sarajevo
Predsjedavajući
Vijeća ministara BiH
Dr. **Nikola Špirić**, s. r.